

# Rapport da gestiun 2022 dil president dalla pleiv catolica romana s. Martin, Trun

Preziau sur Tomasz

Preziadas parochianas, preziai parochians

En miu rapport sco president dalla baselgia catolica romana s. Martin da nossa vischnaunca dundel a vos las necessarias informaziuns sur dil passau en nies cumin-baselgia duront igl onn d'uffeci vargau.

## 1. General

La primavera 2022 ein las restrucziuns dalla pandemia Covid-19 vegnidas sliadas si e nus havein puspei saviu celebrar il survetsch divin senza restricziuns. Sco ins ha saviu constatar suenter la pandamia ei il basegn dalla populaziun da star ensemen da cuminonza, seigia quei ella veta privata aber era en baselgia, bu pli stada aschi fermes sco avon la pandemia.

Il davos da matg havein puspei saviu celebrar il sacrament dalla Creisma. Avat Vigeli Monn ha festivau la messa e dau aschia ina tempra da fiasta per ils 14 affons che han retschert il sacrament dalla creisama quei di.

Plinavon eis ei vegniu celebrau ina messa campestra ell'Ogna. Biabein 80 persunas han priu part alla messa e 65 persunas han gientau silsuenter sil plaz da giucs.

Dil di da suppa han biabein 50 persunas priu part. A quella caschun ei vegniu rimnau daners per la scola Tujetschina Nepal. Isabelle Defuns ha lu saviu surdar ina biala summa da 1400.- fr. Bien engraziament.

Las duas s.messas da Nadal havein nus puspei festivau a Trun. Allas 17:00 la s. messa per famiglias, quella messa vegn schazegiada fetg ed ei puspei vegnida embellida cun il cant ed il giuc da nadal dils affons. La secunda messa ei vegnida celebrada allas 22:00, quella ei vegnida embelida cul cant dal cor cecilian.

Era duront igl' onn vargau ei la religiun puspei stada in tema per las medias. Cun in niev codex da secuntener en cass da violenza e sexualitad per ils luvriers dalla baselgia ha ei dau gondas discussiuns ed ina gronda part dils luvriers e plevons dalla baselgia catolica eran buca diltutta fatg cuntens cun quei codex.

### Renovaziun dalla baselgia da Nossadunna dalla Glisch:

Il project ei quintaus cun 750'000.- sfr. senza il plaz avon baselgia e la via tochen si tier il parcadi, lezza part sauda per la gronda part alla vischnaunca. La vischnaunca surpren ils cuosts per il plaz e la via. Dieus paghi.

Stan actual, pia per il davos d'avrel 2023, manca ei aunc biabein **40'000** sfr.

Pervia dalla pandemia e l'uiara ell' Ucraina ha ei dau problems da survegnir il material da baghegiar. Perquei havein nus mo saviu far igl onn vargau las lavurs dil fundament e sanar ils mirs. Uonn dess il project tochen tier il plaz avon baselgia vegnir seraus giu. Il plaz ei provedius 2024.

Per anflar daners per la baselgia da Nossadunna ha ei duvrau bia engaschi, seigi quei d'anflar las dretgas adressas per tarmetter las brevs, da crear ina pagina d'internet, da crear in flyer per tarmetter allas casas en Surselva ni da termetter mintgamai ina brev d'engraziament allas persunas che han susteniu la renovaziun. Cun gronda premura ed engaschi ha Gabriela Vincenz fatg ina gronda part da quellas lavurs ed jeu less engraziar zun fetg ad ella persuenter.

### 15 onns pastoraziun entras sur dr. Tomasz Piotr Drwal

Dapi igl onn 2008 pastorescha sur dr. Tomasz Piotr Drwal en nossa vischnaunca. Nus havein giu in grond cletg dad haver giu ils davos 15 onn cun sur Tomasz in plevon engaschau, *initiativ e cun in bien maun per sias parochianas e ses parochians. Sin quei giubileum da 15 onns lessel jeu gratular ad el cordialmein cunzun lessel jeu denton engraziar ad el per tut. Nus sperein ch'el possi aunc pastorar ditg nossa pleiv.*

a) *Suprastonza*

La collaboraziun denter la suprastonza ha funcziunau per mia cumpleina cuntentienscha. En 5 sedutas ei la suprastonza seradunada ed ha liquidau ils pensums adossai ad ella. Pensums delegai ad in ni l'auter per liquidaziun (art. 24 dalla constituziun) ha il responsabel sli giu e sch'igl ei stau neccessari ha la suprastonza sancziunau quella decisiun. La collaboraziun cun il cussegl pastoral cun sia iniziativa presidenta Isabel Defuns-Gamboni ha funcziunau grondius.

b) *La pastoraziun*

Grazia agl engaschi da nies zun preziau plevon sur Tomasz Piotr, mo era cun igl agid da tut ils auters gremis dallas pleivs e caplania en special la gronda lavur dil secretariat, dil cussegl pastoral e dalla catecheta ha la pastoraziun funcziunau era en quei onn per cumpleina cuntentienscha.

c) *Instrucziun religiusa*

*Cun Isabelle Defuns-Gamboni, Rilana Cadruvi Scherrer e Stefan Bolli havein nus il cletg de haver treis catachets ch'ei fetg engaschai e che vegnan apreziati fermamein dils affons.*

d) *Veta e mort*

Mintgin ha siu agen pensum cheu sin tiara e quel entscheiva cun la naschienscha e finescha cul viadi en la perpetnada. Veta e mort stattan datier in a l'auter. Duront il davos onn havein nus stuiu prender cumiau da caras concristianas e concristians, Denton havein nus era saviu selegrar ensemen cun ils geniturs da novs battegiati.

Davos la statistica stattan muments grevs mo era uras legrevilas.

Battens	6
Premcommunicants	7
Cresmants	14
Nozzas	2 a Trun
Extrada ord la baselgia	2
Mortoris	20 a Trun e 4 a Schlans

A tuttas defunctas e defuncts engrazieli per il bien che nus havein astgau retscheiver dad els duront lur veta terestra. Allas famiglias en malencurada esprimin nus nossa pli sincera condolientscha.

## 2. Engaschis en la pleiv

*Enteifer la communitad cristiana sin territori da nossa vischnaunca havein nus ina liunga roscha da fideivlas collaboraturas e collaboraturs e quei duront pli liung temps ora. Nus havein in zun activ cussegl pastoral, fideivels e cunscienzius ugaus capluttas ed ina massa autras persunas che fan el zuppau ina gronda lavur ch'ins vesa in summa buca. Menziunar lessel era il cussegl pastoral, sco era la lavur dallas calustras e calusters, dils ugaus capluttas e dils organists lessel punctuar la lavur che vegn prestada da biars voluntariamein duront igl onn ora.*

*Allas persunas sengaschadas lessel far in compliment per tut lur engaschi per il beinstar da nossa baselgia: Lecturas, catecheta e catechets, l'organisaziun entuorn mintga sepultura, ils organists, ils chors, ils dirigents dil chors, l'uniun da mummas e dunnas, l'uniun da giuventegna cun ornar l'intrada alla baselgia cun tschuppi e fluras, la musica instrumentala per embellir las fiastas e secapescha era tuttas persunas ch'orneschan e schubregian las baselgias.*

En special lessel menziunar igl engaschi da dunna **Rilana Cadruvi Scherrer**. Ensemen cun siu um **Clau Scherrer** e nossa catecheta **Isabelle Defuns** organiseschan els adina puspei duront specialas occasiuns nua ch'els affons stattan el center dil survetsch divin specialas messas cun cant d' affons. Era all'uniun da mummas e dunnas ergrazieli per tut lur engaschi. Ellas organiseschan il solver per ils affons suenter las messas da scola, han quitau dalla vestgadira dils premcommunicants ed il bi usit dils retgs

sco era per il lavar ora tut ils sanctuaris. Senza igl engaschi dallas mummas e dunnas fuss quei tut buca pusseivel! Era a nossas ugauas e nos ugaus caplutta s'auda ei in special engraziament, preparan els mintgmai las capluttas per il survetsch divin e han quitau dalla facultad da mintga caplutta. Cun quei che nus havein per la caplutta Nossadunna dalla Neiv a Schlans negin ugau, procura dunna **Renata Pfister-Maissen** voluntariamein igl usitau quitau dalla caplutta.

Buca emblidar d'engraziar lessel per las activitats entuorn las processions e sepulturas, A **Giusep ed Isabelle Defuns** per il riug da sepultura, allas **giuvnas** per il purtar la Nossadunna mintgamai da perdanonza sco era tut quels che **portan ils cafanuns** tier mintga fiasta. Alla **suprastonza communal** audi in cordial engraziament per purtar mintga fiasta ecclesiastica il balduchin. Aschia vegnan fiastas embellidas e la veta da cuminonza viva.

A gl'entir **cussegl pastoral**, cun l'engaschada presidenta **Isabelle Defuns**, actuara e las menadras ditgel in sincer engraziel fetg per lur bien sustegn da nies plevon. Nus havein in cussegl pastoral che sengascha cun tutta premura per il beinstar da nossa cuminonza.

### 3. Petgas da nossa cardientscha

#### a) Ductrina

Ella scola da Trun vegn dau ductrina en tuttas classas e cheutras tschentau in bien fundament religius per ils affons. L'instrucziun religiusa ei vegnida dada: emprema tochen quarta classa dalla premurada catecheta **Isabelle Defuns-Gamboni**. Ella sengascha era fetg cun ils affons per ils survetschs divins per famiglias. La 5. e 6. classa vegn instruida da **Rilana Cadruvi Scherrer** che prepara medemamein l'instrucziun dalla s. Creisma. Il scalem ault vegn instruius da **Stefan M. Bolli**.

#### b) Fatgs da Baselgia

Tuts ils fatgs da Baselgia vegnan menziunai el rapport dalla presidenta dil cussegl pastoral.

#### c) Manteniment dils beins

Per gl'usitau manteniment dils baghetgs sacralis sco era tier las casas pervendas vegn igl administratur Benedetg Albin a dar plaid e fatg. Era ad el lessel jeu engraziar grondamein per siu immens engaschi.

### 3. Persunal

#### a) Lecturas e parter ora la s. communiun

Allas lecturas: **Annamaria Cavigelli-Tschuor**, **Gabi Cajacob-Mirer**, **Isabelle Defuns-Gamboni**, **Esther Tomaschett-Monn** e **Manuela Wolf-Tomaschett** per Trun, **Marta Bundi-Giger**, **Josefa Wolf-Tomaschett**, **Anita Orlik-Vincenz** e **Letizia Rensch-Tomaschett** per Zignau, engraziel cordialmein per lur buns survetschs ch'ellas fan dumengia per dumengia.

#### b) Organists

Cun **Clau Scherrer** e **Jacinta Jacomet-Lombriser** havein nus dus organists che emballeschan mintga dumengia il survetsch divin.

A **Claudio Vincenz** engraziein nus cordialmein per la prontadad d'embellir dumengia per dumengia las s. messas cun musica sacrala en la baselgia da Zignau. Mo era als organists dil chor cecilian **Gieri Maissen**, **Flurin Monn** e **Flavio Bundi** schein in sincer "Dieus paghi".

#### c) CalustrAs

Special engraziament admittel allas calustras ed als calusters: **Gabi Cajacob-Mirer** per la baselgia parochiala, **Letizia Rensch-Tomaschett** per la baselgia da Zignau, **Georgina Flepp-Cahannes** per la baselgia da Schlans sco era **Tarcisi Guldemann** per Nossadunna dalla Glisch. Era lessel

engraziar a **Georg Cajacob** per sia prontadad da segidar en cass specials. Senza lur gronda lavur el zuppau funcziunas nies sistem buca. Ei vegn prestau bia e buna lavur nunveseivla, mo pauc da lur lavur ei enconuschenta allas parochianas e parochians.

#### 4. Renconuschientscha ed engraziament

Tgei fuss ina cuminonza senza la lavur da biars funcziunariAs. Quella cuminonza essas vus che separticipais alla veta religiosa en nossa pleiv e caplania cun assister allas s. messas ni d'autras purschidas. Persuenter lessel admetter il duiu engraziament, sperond che nossa cuminonza resti activa era el temps da desinteress per la religiun, sco era per nossa Baselgia catolica romana. Nies zun premurau plevon, sur Tomasz vegn sustenius digl engaschau cussegl pastoral e las catechetas Isabelle Defuns-Gamboni e Rilana Cadruvi Scherrer che fan in bien fundament, sin il qual nus savein baghegiar si nossas activitads cristianas.

In sincer e profund engraziament ei il minimum ch'jeu sai admetter a mes consuprastonts sco era alla revisura **Lea Alig-Flury** ed al revisur **Gion Friberg**.

Enten il rapport hai menziunau plirs engraziaments. Jeu sperel ch'jeu hai emblidau negin, sche quei fuss il cass, lessel seperstgisar tier quellas persunas ed engraziar en quei mument era a lezzas.

Sco finenziun lessel engraziar a vus, preziadas parochianas e parochians, che segideis adina puspei sin ina u l'otra moda morala ni finanziaria per il beinstar da nossa pleiv ni documenteis, entras vossa preschientscha, dumengia per dumengia vies interess per ils fatgs da nossa religiun.

Sco cuminonza sa la veta da pleiv mo exister cun il sustegn da bia mauns e sur da quels disponin nus aunc il mument. Per tut quei agid e sustegn seigi engraziau da tut cor.

Trun, avrel 2023

*Pieder Decurtins, president*